

ALL INDIA RADIO GANGTOK

BHUTIA NEWS BULLETIN

BROADCAST: 18:50 HRS

DATE: 28/09/ 2025

PM – MANN KI BAAT

མིན་ཆོན་ Nerendra Modi གིས་ ད་རིང་ རྒྱ་ཕྱིན་ཁང་ ལས་ སེམས་སྐྱོད་ གཏམ་ ཡང་ ན་ Maan Ki Baat ལས་རིམ་ གི་ ཐེངས་ བརྒྱ་ཅིག་ ༥༩ episodes ན་ རྒྱལ་ཁབ་ མི་མང་ མཉམ་པོ་ རང་ གི་ བསམ་སྒྲོ་ བཞག་གོ་ གནང་བཞིན་ vocal for local mantra གི་ དྲན་གསོ་ གནང་ཤང་ དང་ མཉམ་པོ་ འོང་མཁན་ དུས་ཆེན་ འཁོར་གཡོག་ ཡང་ ན་ Desai ལོ་ རང་ གི་ རྒྱལ་ཁབ་ རང་ཤ་ བཟོ་བའི་ ཅ་ལག་ འདི་ཙུ་ མཉམ་པོ་ སྤྱང་ཤང་ དོན་ མི་མང་ ལོ་ རྒྱ་བ་ སྤུལ་ ཡོད། ཁོང་ གི་ འོང་མཁན་ ཉིན་ འདི་ ཙུ་ ན་ དུས་ཆེན་ གས་པོ་ ཐོན་ ཡོད་ས་ལས་ GST Bachat དུས་བསྟོན་ ཐོན་ བཞིན་ ཡོད་པའི་ གཏམ་ གསུང་ཡོད་ དང་ མི་མང་ ལོ་ རྒྱལ་ཁབ་ རང་ཤ་ བཟོ་ ཡོད་པའི་ Swadeshi ཐོན་སྐྱེད་ པོ་ འདི་ ཙུ་ ཉོ་བའི་ སྐྱང་ བཟའ་ཆང་ བར་ ན་ དགའ་སྦྱིད་ ཅིག་ཀྱི་ མི་འོང་ འདི་གི་ ལག་རྒྱལ་བོ་ འདི་ཙུའི་ བརྩན་འགྲུས་ ལོ་ བསྟོད་ཟུར་ ཡང་ ཐོབ་ཤང་ ཨིན་ དང་ ན་གཞོན་ བཟོ་ལས་ ཅན་ ཙུའི་ རྟིང་ལམ་ ལོ་ སེམས་ཤུར་ སྦྱིད་ཤང་ ན་ རྟོ་རམ་ ཐོབ་ཤང་ ཨིན། མིན་ཆོན་ Narendra Modi གི་ ད་རིང་ རང་དབང་ རང་བཙན་ གི་ དམག་མི་ དཔའ་བོ་ Bhagat Singh དང་ སྤྱ་དཔོན་མ་ Lata Mangeshkar གི་ སྐྱེད་འགྲུངས་ དུས་བསྟོན་ ཐོན་ ཡོད་ ས་ལས་ སེམས་ ཀྱི་ གཏམ་ གི་ episodes འདིའི་ གས་ཆེན་ དུར་ ཐོན་བའི་ གཏམ་ ཡང་ གསུང་ ཡོད། ཁོང་ གི་ འོང་མཁན་ ཟླ་བའི་ Oct ཆེས་ ༥ ན་ གན་ཏི་ མཆོག་ གི་ སྐྱེད་འགྲུངས་ དུས་བསྟོན་ ཡང་ ན་ Gandhi Jayanti སྐོར་ ཞལ་ལྷུ་ བཞིན་ Mahatma Gandhi གི་ ཨ་ཏང་ Swadeshi ཅ་ལག་ འདི་ ཙུ་ ལག་ལན་ གནང་དགོས་པའི་ གཏམ་ ཟླང་ ཤུར་ ཕྱིན་ ཡོད་པོ་ ག་འདི་ ན་ Khadi ཐམས་ཙང་ ལས་ གས་ཆེ་ དུར་ ཡོད་པའི་ གཏམ་སྟེང་ དཀར་མདངས་ གནང་བོ་ ཨིན།

SEVA PARV

ཞབས་ལྷུ་ དང་ མིན་གཞུང་ གི་ Mantra མཉམ་པོ་ མིན་ཆོན་ Narendra Modi མཆོག་ གི་ གཞུང་ མངའ་འོག་ ཡར་རྒྱས་ དང་ འགྱུར་བ་ དོན་ ལུ་མཐུད་ ཟླེ་ ཕྱག་ལས་ གནང་བཞིན་ ཡོད། ད་རིང་ གི་ Seva Parv ལས་རིམ་ ཆེན་པོ་ ན་ ང་ཅག་ ལྷན་རྒྱས་ ཙུའི་ སྐྱེད་ཤུན་ ལོ་ མིན་ཆོན་ མ་རྟེ་ ཡི་ རྒྱ་གར་ རང་གི་ ལས་བྱེད་པའི་ ཙུ་ གི་ དོན་ གཞུང་ ན་ སྤྱི་ཚེར་ མི་རྟེ་ ཉེན་སྲུང་ འདི་ལོ་ Atal Pension འཆར་གཞི་མངའ་འོག་ ག་ཟླེ་ སྟོབས་ཤུར་ གནང་ ཡོད་པོ་ ཨོ་ འདི་ སྐོར་ སྤུལ་དོ་ ཨིན། འདིའི་ མཐུན་འབྲེལ་ ན་ མིན་ཆོན་ མཆོག་ གི་ འདེམ་ གསུང་ ཡོད་ གསན་བོ་ གནང།

EC – CENTRAL OBSERVERS

རྒྱ་གར་ འོས་ཤོག་ ལྷན་ཚེར་ གི་ འོང་མཁན་ Bihar ཁྱོས་ཚེར་ ཁང་ འོས་ཤོག་ དང་ མངའས་ཤེ་ གཞན་ འང་མན་འང་ ན་ བརྒྱུད་ ས་ལུལ་ ན་ ཐོན་མཁན་ bye election དོན་ central observers འདི་ ཙུ་ གོ་གནས་ འགན་ སྤུལ་ཤང་ ཐག་བཙད་ ཡོད། Observers འདི་ ཙུ་ ན་ སྤྱིར་བསྟར་ འཁོར་སྤང་ དང་ འགོ་སོང་ ལྷ་སྦྱོང་ འདི་ ཙུ་ བསྐྱེད་ཤང་ ཨིན། ལེགས་ དང་ གསལ་ དུར་ འོས་ཤོག་ ཐོན་བོ་ ཉེན་ཉེན་ གནང་ཤང་ དོན་ ༣༥ IAS དང་ ༥༠ IPS འགོ་བཙུང་ ཙུ་ མཉམ་པོ་ ༩༧༠ འགོ་བཙུང་ ཙུ་ ལོ་ central observers གི་ ཐོག་ལས་

བསྐྱོབ་ལཱ་གྲུབ་ ཡོད། ཁོང་ ཚུ་གི་ ས་ཆ་ རེ་རེ་ ན་ འོས་ཤོག་ འགོ་ལྟ་ ལེདམ་ བྱས་ གཟེད་ ཤད་ ཡིན་ ས་ཆ་ ག་ན་ ལྷ་དག་ གནང་ དགོས་པོ་ ཡི་ འདི་ཚུ་ རོས་འཛིན་ གནང་ཤད་ ཡིན་ དང་ བྱས་ དགོས་པའི་ བྱ་ ཁྱོས་འཆར་ འདི་ ཚུ་ ལུ་ཤད་ ཡིན།

REV EVE KARUR STAMPEDE

Tamil Nadu གཞུང་ གི་ Kurur གི་ སྤྱིང་འབྲེལ་ rally ན་ མི་ ལ་ ༤༠ འགྲོངས་ ཡོད་པའི་ སྐྱོན་ གྱི་ ཉམས་ཞིབ་ དོན་ ཁྲིམས་ཁང་ སྤྱི་ལོ་ འདས་པའི་ ཁྲིམས་དཔོན་ Aruna Jayadeesan གི་ སྤུན་གཟེད་ ན་ རྒྱ་ མི་ ཅིག་ ལྷན་ཚུད་ བཟོ་ ཡོད། སྐྱོན་ འདི་ ན་ མདོང་ Tamilga Vetrikazhagam སྤྱིང་ཚུད་ གྱི་ འགོ་དཔོན་ Vijay ལོ་ མདན་ ལྷ་བའི་ སྐབས་ ཐོན་པོ་ ཡིན། འདི་ མཐུན་འབྲེལ་ ན་ སྤྱིང་སྐྱོན་ Narendra Modi གི་ PM National Relief Fund ལས་ འགྲོངས་མཁན་ ཚུ་ ཉེན་ཆན་ ལོ་ འབྲུམ་ ༡ དང་ སྐྱོན་ ན་ བར་ཚད་ ཐོན་ མཁན་ ཚུ་ ལོ་ རྒྱང་ཤུག་ ༥༠ གི་ སེམས་གསོ་ བྱིན་ཤད་ གི་ ཐག་བཅད་ ཡོད།

PAKYONG – ARCHERY

མངའ་ཕྱེ་ གྲལ་ རྩེདམ་ ཕྱི་ལོ་ ༢༠༢༥ གི་ རྩེ་ཆན་ ཅིག་ གི་ ཐོག་ལས་ འགོ་བཙུག་ ཀོའི་ ལྟ་སྟོལ་ མདའ་ཅ་ འགན་བསྐྱར་ གྱི་ Semi Final དང་པོ་ རྩེདམ་ ན་ ད་རིང་ དཔོ་སྐྱོང་ རྒྱུ་ཁ་ གི་ བཀའ་ཐོག་ Archery range ན་ ཐོན་པོ་ ཡིན། གོ་སྐབས་ འདི་ ན་ བྱ་མོ་ བྱ་བྱད་ ཀྱིས་ཀན་ དང་ Divyang Jan ལས་ལག་ གི་ བཀའ་སྐྱོབ་པོ་ དང་ ས་ཁུལ་ འབྲུས་མི་ བལྟ་ ཡོད་ མཁན་ སྤང་ ཐབས་ འདི་ རི་ མངའ་ཕྱེ་ གཞུང་ གི་ གོང་འཕེལ་ ལས་རིམ་ མངའ་འོག་ འོང་དོ་ ཡིན་ ག་ འདི་ གི་ མངའ་ཕྱེ་ ཡོངས་ ན་ ས་ཆ་ འདྲ་མན་འདྲ་ ན་ འགོ་བཙུག་ ཀོའི་ ལུས་རྩལ་ ལས་རིམ་ དང་ འགན་བསྐྱར་ ཐོག་ལས་ འབྲས་ལྗོངས་ མངའ་ཕྱེ་ གི་ གསེར་ གི་ ཏུས་བརྟན་ ཡང་ ན་ འབྲས་ལྗོངས་ མངའ་ཕྱེ་ ཐོན་ གི་ ལོ་ ལ་བཅུ་ བསྐྱེད་པས་པའི་ གོ་སྐབས་ ན་ སྤང་བཞིན་ ཡོད། འགན་བསྐྱར་ གྱི་ semi final རྩེདམ་ དང་པོའི་ knockout རྩེདམ་ ན་ Regu – Chujachen དང་ Kabi Tingda team གི་ རྒྱལ་ཁ་ ཐོབ་ཏེ་ འགན་བསྐྱར་ གྱི་ final ན་ བསྐྱེད་པས་ ཡོད། ལས་རིམ་ ན་ ས་ཁུལ་ འབྲུས་མི་ གི་ རྩེ་ཆན་ ཆེན་པོ་ ན་ འགན་བསྐྱར་ གནང་མཁན་ མདའ་རྒྱབས་ མཁན་ ཚུ་ ལོ་ བརྟེན་པོ་ ཡང་ ལུ་ལོ་ ཡིན།